



Braća u pritvoru zbog trgovine drogom

SARAJEVO - Sud BiH, na prijedlog Tužilaštva, odredio je pritvor od 30 dana za Senada Sakića (29), zvanog Senči, rođenog u Tuzli, a nastanjenog u Živinicama. Sakić je osumnjičen da je dio organizovane kriminalne grupe koja je švercovala heroin i spid iz Turske u BiH.

Sakića su u Sarajevu uhapsili pripadnici SIPA u sklopu operativne akcije kodnog naziva "Brod", koja je izvedena u koordinaciji sa

srbijanskim MUP-om. U sklopu iste akcije SIPA je pretresla stan osumnjičenog, te su tom prilikom pronađeni i oduzeti 300 grama spida, dvije precizne vage, mobilni telefon, određena suma novca, SIM kartice i drugi predmeti koji mogu poslužiti kao dokaz u daljem postupku.

Iz SIPA kažu da su u sklopu akcije "Brod" pripadnici ove agencije 14. i 17. marta pretresli četiri lokacije u Sarajevu i Živini-

cima zbog međunarodne trgovine drogom. Također, prije dva dana SIPA je u Živinicama pretresla još tri objekta, među kojima je i onaj koji koristi Senadov brat Admir Sakić, koji je 17. marta uhapšen u Srbiji, gdje je pronađeno i oduze-

**SPID
Kod Senada Sakića
pronađeno i oduzeto
300 grama spida**



to kilogram i 300 grama nepoznate praškaste materije koja je prosljedjena na vještačenje kako bi se utvrdilo o kakvoj se materiji radi.

Senad Sakić je uz službeno izvješće da je počinio kaznena djela organizirani kriminal u vezi sa neovlaštenim prometom droge predat Tužilaštvu BiH, koje je za njega zatražilo pritvor zbog osno- vane sumnje da je počinio krivično djelo.

U SIPA kažu da su izvještajem za ista djela obuhvaćene još četiri osobe koje su uhapšene u Srbiji. Inače, MUP Srbije je prije nekoliko dana u Novom Pazaru uhapsio devet osoba, među kojima su državljani BiH, Srbije, Hrvatske i Turske, zbog trgovine drogom. Droga je iz Turske krijumčarena u Srbiju, Hrvatsku i BiH, a za sve uhapšene je zatražen pritvor.

M. LINGO-DEMIROVIĆ